

BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA/SREDNJOBOSANSKI KANTON
KANTONALNA UPRAVA ZA CIVILNU ZAŠTITU

Broj:03-30-118/23

Travnik: 11.7.2023. godine

Na osnovu članka 23. Zakona o namještenicima u organima državne službe u Federaciji Bosne i Hercegovine (Službene novine Federacije BiH , broj 49/05), članka 4. Uredbe o postupku prijema u radni odnos u javnom sektoru u Srednjobosanskom kantonu/Kantonu Središnja Bosna („Službene novine SBK/KSB“, broj 7/19) i Zaključka Vlade Srednjobosanskog kantona broj:01-04.1-2368/2023-17 od 6.4.2023. godine, direktor Kantonalne uprave za civilnu zaštitu objavljuje

JAVNI OGLAS

za prijem namještenika u radni odnos na neodređeno vrijeme u Kantonalnoj upravi za civilnu zaštitu

I. Naziv i pozicija radnog mjesta:

- Viši referent za prikupljanje i analizu podataka - informacija – 1 (jedan) izvršitelj

Opis poslova: vrši poslove koji se odnose na prijem, obradu, distribuiranje i otpremu redovitih i izvanrednih izvješća i informacija i drugih podataka od značaja za zaštitu i spašavanje, priprema i izrađuje redovita i izvanredna izvješća o stanju na području Kantona Središnja Bosna i sukladno propisanom nalogu dostavlja ih ovlaštenim osobama i tijelima, radi u smjenama, čime se osigurava neprekidnost rada Operativnog centra svih 24 sata, osigurava stalne i neprekidne veze i protok informacija u svim uvjetima sukladno zakonu i drugim propisima, kao i listom pitanja o međusobnom informiranju, izrađuje i ažurira telefonske imenike, preglede i druga dokumenta koja se vode u Operativnom centru civilne zaštite, po potrebi, sudjeluje na stručnim obukama sa pripadnicima operativnih centara civilne zaštite koje organizira Kantonalni operativni centar, prati i proučava stanje i pojave u oblasti zaštite i spašavanja, te na temelju obrade prikupljenih podataka predlaže mjere i postupke za rješavanje utvrđenih problema i unapređenja stanja u ovoj oblasti, prati stanje u oblasti mjera zaštite i spašavanja o čemu sačinjava potrebite analize i zabilješke,

- Pored gore navedenih poslova izvršava i sve druge poslove koje mu naloži neposredni rukovoditelj.

Pored općih uvjeta propisanih članom 24. Zakona o namještenicima u organima državne službe u Federaciji BiH (državljanstvo BiH, punoljetnost, opća zdravstvena sposobnost, da u posljednje dvije godine od dana objavljivanja oglasa nije otpušten iz organa državne službe kao rezultat disciplinske mjere, na bilo kojem nivou vlasti u Federaciji odnosno BiH i da nije obuhvaćen odredbom člana IX 1. Ustava BiH), kandidati trebaju ispunjavati i posebne uvjete predviđene Pravilnikom o unutarnjem ustroju Kantonalne uprave za civilnu zaštitu i to:

- SSS – IV. stupanj: završena elektrotehnička, strojarska, gimnazija, ekonomska škola i druga tehnička ili strukovna škola

- poznavanje rada na računaru

- položen stručni ispit
- najmanje 10 mjeseci radnog staža u struci

II. Spisak potrebnih dokumenata

Uz **PRIJAVU** na Javni oglas, koja treba sadržavati kraću biografiju i kontakt podatke (adresa stanovanja i broj telefona) potrebno je priložiti sljedeće dokumente (original ili ovjerene fotokopije)

- Uvjerenje o državljanstvu (ne starije od 6 mjeseci)
- Izvod iz matične knjige rođenih
- Diplomu o završenoj stručnoj spremi
- Dokaz o radnom stažu – Uvjerenje porezne ispostave o radnom stažu / osiguranju ili uvjerenje zavoda za penzijsko i invalidsko osiguranje (PIO/MIO) s obaveznim uvjerenjem o dešifraciji zanimanja ili Uvjerenje o radnom stažu izdato od strane poslodavca iz kojeg se vidi na kojem je radnom mjestu kandidat radio kod poslodavca kod kojeg je bio zaposlen, te koji je stepen stručne spreme bio predviđen za to radno mjesto i koliko je na tim poslovima ostvario radnog staža;
- Dokaz o poznavanju rada na računaru - Svjedočanstvo srednje škole o položenom predmetu informatika, certifikat - uvjerenje pravne osobe ovlaštene za osposobljavanje za rad na računaru, kopija indeksa fakulteta - sa položenim predmetom/ispitom informatika, dodatak diplomi, uvjerenje o uspjehu u toku studija, diploma o završenom fakultetu iz oblasti informatike.
- Ovjerenu izjavu da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini
- Ovjerenu izjavu da nije obuhvaćen odredbom članka IX 1. Ustava Bosne i Hercegovine
- Uvjerenje o položenom stručnom ispitu iz članka 31. Zakona o namještenicima u organima državne službe u Federaciji Bosne i Hercegovine.

Napomena:

U radni odnos može biti primljen kandidat koji nema položen stručni ispit, ali je isti dužan položiti u roku od šest mjeseci od dana prijema u radni odnos u organ državne službe kako je to predviđeno članom 32. Zakona o namještenicima u organima državne službe u Federaciji BiH („Sl. novine FBiH, broj:49/05 i 103/21).

Dokaz o zdravstvenoj sposobnosti kandidati nisu dužni priložiti uz prijavu na javni oglas, već će se navedeni dokaz dostaviti po konačnosti rješenja o prijemu u radni odnos.

III. Rok trajanja oglasa i adresa za podnošenje prijave:

Javni oglas ostaje otvoren 15 dana od dana objavljivanja u dnevnom listu: „Dnevni list“ i objavit će se na web stranici Vlade SBK, te Službi za zapošljavanje Srednjobosanskog kantona .

Prijave na javni oglas s traženom dokumentacijom dostaviti lično ili poštom preporučeno na adresu: **Kantonalna uprava za civilnu zaštitu, Vezirska 62/A, 72270 Travnik.**

Prijave se dostavljaju u zatvorenoj koverti s naznakom „Prijava na javni oglas za prijem namještenika - NE OTVARATI“.

Nepotpune i neblagovremene prijave neće se uzeti u razmatranje.

DIREKTOR

Miroslav Jakić